

Bsh

hhfdh



TONIOKHAT OKONONGA

**NUNAVUT EMALIKIYIIT
KATIMAYIIT**

Hapkoat okaotait

**DORIS NORTH GOLD-nik
OYAGAKHIOKVIKMI
EMMATUTIKHAT LAISIMOT
APIKOTIT**

Ikaluktutiak, Nunavut

Agasi 13-14th, 2007

Okonanit

KITIKMEOT INUIT KATIMAYIIT

Makpigap Naonaitkotait

Havakhanot Naitoliogat...**Error! Bookmark not defined.**

1. Oingaiknik.....	6
2. KIA Hivonikhait	7
3. KIA Elaoyut Maligakhanik Havakhotik	8
4. KIA Elaoyut Emaknik Laisikhanik Apikotinik	8
5. Inuiyaktot Halumaktokhat Okoalo Inukavikhaongitot	11
6. Nunalo vs. Emmat Kayagiokhat	13
Titikkat Ekayutit.....	17

Naitoliokhimayut Havaotikhat

Okoa Kitikmeot Inuit katimayit (KIA) kovianaktomik tonihior atogakhaik ovani Nunvutmi Emmalikiyit Katimayit (NWB) Doris North Gold-nik Oyagakhiokvikhak laisikhanik tonihiliktot KIA-not okonongalo Nunavut Tunngavik Incorporated (NTI) piblotik ayoitonik ekayuktinik ehoinbakata okoa Rescan Environmental Services Ltd. (Rescan). KIA okoa elaoyut ovani Kitikmeot Inuit okoalo piotikaktot Inuit Nunaotainik(IOL) okoa tamaat ona Doris North oyagakhiokvik engilgavikha nunmiiniaktok. KIA oalo ona Eliyaohimayuk Inuit Katimayit atoktokhat ovani Nakatak 20 hapkonani NLCA ovalo emmat pihimaniaktait ova monagilogitlo ataniktutiginiagait ovani IOL. Okoa elitkohikhat ovalo pihimayumayait Kitikmeot Inuit piotigiyaat oyagakhiokviop nuna atoktat.

Miramar Mining Corporation (Miramar) okoalo KIA sainikhivaktpot emaitonik Inuit Kanogilitaoniaktot ovalo Ekayuhiktokhat Angigotini (IIBA) ona aolaliktok apikhoiyitigut. Hammalo, KIA okoalo Miramar enikhiyuk aivaotnik emaktutikhnik okaktainik omonga Doris North Oyagakhiokvik okoa tamakniitok Nakatak 20 ovani NLCA ovalo hamani *Nunavut Emmaotait okoalo Nunap Kanganiitot ehoakhaiyit Maligani* (NWSRTA). KIA koviagiyat onniotiyait NWB ema emmat ekiliohiagakhat emaktutit ovani Doris North oyagakhiokvikmi, okoa Miramar's ehomahimayut emmaknik kanogilitjutiniaktot, kanoklo atoklotik emaknik, kanok aktigiot ovalo kugiknigit ovani IOLs, hapkoa enikhimaliktot.

KIA hanahimaliktot enmingnik ehomaliogamingnik taimaakata halummaktigilikat akiinik omonga Doris North oyagakhiokvikmot kanok atoktokhanik oyagakhioktinit ovani KIA. Ona halummaktikvikhak eniktikvikhainik halummaktigotikhanik oyagakhiokvikmot enmingnik okaklotik Inuit Nunakaktot Ekayuhiagtikhainik Katimayit havaktait Ikaluktutiami, Umingmaktomi, Kengoakmilo. Ona ehomayat emakak akia omoa Doris North Oyagakhiopkvik taimmaktiktat ovalo halummaktigotikha akia \$11,700,000 dalak.

Hamani kanganit, NWB ekayukhikhotik okonanga KIA-nit okaktot tamaita akikhait taimaaktiktot halummaktigotikhatlo vani emat laisianit. KIA oktoktot apihivlotik kanok akighait pinniakat pihimaliktokhat pingahonik eniktokhanik:(1) ema tamaita havaakhat ehoinaagiitkotikaktokhat akighakaktokhat,(2) malgoiktoklotik akilikhilimaitot ehoigiyaoniakmat oyagakhioktinit ehoagiakatokhat; ovalo (3) tamaita ehoinaktokakkat naliak ehaitokakkat okononga Inuit ovalo IOL pihimayukhat. INAC maligat ovalo atoktakhait piyoitot manikanik akiliktakhat nammagilogot oma Ministap ovani NWSRTA. Ematpot KIA maniknik piageektokhat nunap kanganit atoktitigamik monagilogit Inuit piomayait ovalo nunaotait.KIA piniaktot aktigiomik \$11,700,000 dalanik maniknik halummaktigotikhanik.

Elaitlo okaotait haniagoktot emat laisinik atogakhanik, KIA pitkoiit okonanga:

- Okoa atogakait oma Doris North Oyagakhiokvik emaknot laisikhat 5 okioni.
- Elait okoat KIA's okaktait emaktutikhat monagijutikhat oktokniaktait. Okoa malgok atoktokniaktait emaknik kovigaotikhat Emakokvikmit: (1) toghoap koviyaakhat ona

toghoakmit atoktokhanik Emakokvik Tahikmit ovani *Havilgat Oyagakhiokvikni Kovigaktokhat Maligat* (MMER); ovalo(2) emmat emagiknia maliktokhak ovani Doris Creek atoktoni Kanatami Katimayiit Ministat okonani Nunalikioni (CCME) maligakhait ema kayagiyami emmat emakmiotatlo omayut. KIA angiktait okttit havaotikhat emalikiyami kihime havakyoaknakhoni ayoikhaknakhoni ovalo ayoikhaktakhat havaktit, ehoaktokhat ovalo ehoaktiaklotik oyagakhiokvikmi ehivgiokhivikmi emaknik, takokataklogit allangogiakhaita kangamit ovalo emmak emagigiakhait, ovalo onipkataklogit Nunavutmot Emalikiyiit Katimayiit. KIA pitkoyait okoat Katiayiit okaklogit avatkotiliktonot okoat CCME maligakhait omani Doris Creek emaitok “angatak” ovalo kanok kovigaktokhatlo emmakonik okakniaktait, kanok emnat atoktakhaotaitr avatkotmata.

1. Oingaiknik

Okoa Kitikmeot Inuit Katimayit (KIA) koviahoktot haffominga tonihigamik ehivgiogakhaik kanok okoa oyagakhioktit Miramar Mining Corporation's (Miramar) Doris North Gold-nik Oyagakhiokvikhamik Emaktutikhainik Laisimik apikhiyut (WLA) okononga Nunavutmi Emalikiyiinot Katimayinot (NWB). Okoa KIA, pikatigivlogit okoat Nunavut Tunngavik Incorporated (NTI), piyut Rescan Environmental Services Ltd. Ekayugiangitni opalongaiyaktokanik tonihiot ehivgiogakhanik.

KIA hapkonani elaoyut Inuknik nunataakhimayunik ovanu NLCA hamani Kitikmeot Nunani. KIA's Katimayit elaitlo okoa meetiktit negoaktaohimayut tamaini Kitikmeot Inukaknini. KIA okoat Nunani Inuit Katimayit (RIA okononga Kitikmeot Nunani inunot ekayuiktiogamik nunataktonot ovanu *Nunavutmi Nunataagotit Angigotit* (NLCA) honat nunalikotit ekayutigiyzit okoat RIAs naliak tonihimayait okononga KIA okoat Tikoaktaohimayut Inuit Katimayit (DIO) hapkonani NLCA.

Ehoakotait nammakmata okonani NTI Oyagakhiogotit Maligainot omonga Nunavutmot, KIA atokoivaktot ovalo ekayukpakhotik oyagakhioktinik havaktokhanik nunani ema manilioktitiokhat Kitikmeot Inuknot ema nuna kayagipkakhogo, emmatlo okoalo hogaatlo.

Tabkoat NWB elihimayut hapkoninga, Miramar okoalo KIA aivakpaktot ovalo, oani ave Saptai 6, 2006, sainihivlotik omonga Inuit Kanogilitaoyut Ekayuhiagotikhait Angigotit (IIBA). HamnaIIBA ehivgioktaovaktok ovalo angiktat okoat Ministap Itiilinot ovalo Okioktaktolikiomot Kanatami ovalo hajja apikhoiyitigut aolaliktok. Ona IIBA okaohikaktok inuknot-maniliogotikhait ova allat kanogilitjutiniaktot omonga Doris North Oyagakhiokvikmit atokoliktat Miramar-konot havaotikhait ehoinaknaitomik kanogilitjutiot ovalo oyagakhiokvik havaktitiliktokhak Kitikmot Inuknot oyagakhiokvikmi.

Talvani aivagamik elikoktonik omonga hapkonanit IIBA, KIA ovalo Miramar enikhiot emaknot akiliohiagotikhanot angigotini kanogilitjutiniakmata oyagakhiokvik nunamot Inuit emaitait elitkohigikmagit ovanu Inuit emait pitigikmagiot elangani 20.2.3 ovanilo 20.2.4 okonane NLCA ovalo piotait eliogakhimayut elangani 11 ovanilo 60 okonani *Nunavut Emmat Nunat Kanganiitotlo Akihaktotait Maligat* NWSRTA). Okoa akiliohiagotikhait akiliktokhat hamani angigotini ehoakhihimayut Miramar eniktait kanok emmaknik atokniaktot kayagilogit elihimayait Nunat Kanogilitaonaktot Okaktait (EIS) ovalo elittogihimayit hamani atoktokhani. Ona akiliktakhat angigotiniitot kanok aktigionik maniktakvikhat ovalo ehivgiokpakniaktait kakogogaikpat pinggahoni okioni okoa Miramar iglonik hanatakkat oyagakhiokvikhamik. Ona angigotit ehivgioktaovakniaktotlo kanogaalok kanogilitjutiniaktok ovanu EIS naliak emaktutit laisiit aolaliktot. KIA nammagiyait akiliktaoyuhait oyagakhioktinit ovanu Nakatami 20 ovanu NLCA ovalo KIA's nunaotigikmait kanogilitaoniaktot oyagakhiokvikmit ovanu NWSRTA.

KIA kayagivlotik ehivgiokhiyut elihimaliktamingnik toniyait okononga Miramar ovalo kinanotlo aolayukhani. Ovagut elligiot ehomappingik kanogiliokoiyugut oyagakhioktinik emalikionolo.

Emaktutininik laisikhani apikkotainot hamani ovalo titigatiakhimayunik ovalo ekayutikhainik KIA emaitot ehomatik okaotaoyut tohaktinniaktait. Kanok ehomavut enikata, okoa KIA pitkoiniaktot okononga NWB kakogo eniktiktokhani emaktutininik laisimik. Okaotivut ekayutaoniaknahogiavut NWB.

2. KIA Hivonikhait

Okoa KIA emaitot Nunani Inuit Katimayiit (RIA) haffomonga Kitikmeot nunaitni ovani Nunavut. Okoa KIA monagivaktot eliogaktokhai tabkononga ovani Nunavutmi Nunataagotit Angigotit (NLCA) toniyaohimayut tabkononga RIA-not naliak pibkakhimayait okoat Katimayiit Meetitit ovani NTI okononga KIA Piyaohimayut Inuit Katimayiit (DIO). Emainamik okoat RIA, KIA piotigikmagit okoa kanganiitot Inuit Piotait Nunat (IOL) hamani Kitikmeot Nunani okoalo nunat BB-60/77A okoa nuna oyagakhiokviop elagikmago nunap kanganiitot iglokpait apkotitkhatlo ovani Doris North Oyagakhiokvikmi hanayaoniakktok. KIA hammalo DIO maliktokhat Nakatak 20 hamani NLCA-ni.

KIA elaokmata havakhotik nunap kanganiitonik monagiot, elaitlo laisit okoalo atoktitinik nunbanik oyagakhioktinot. KIA okoalo Miramar kakogo aivakniaktot nunap kangani atoktitiokhanik omonga Doris North Oyagakhiokvik. Hamna atoktitinik emainiaktok, enikat, okaohikakniaktok maniknik pivikhak atoktitilikata ovalo taimaktigotinik halumaktigotiniklo.

KIA hamalo monagiot kayagitkoivlotik ovalo monagiot emaknik nuanotimeetonk, tahamaniitonik kugakviyouniklo Inuit nunaitigut atoktoni ovani Nakatak 20 ovani NLCA. Hamna Nunavutmi emmat maligakaktot hanayaohimayut okoat NTI, KIA ovalo RIAs havaagiayait Nakatak 20 elitkohit ovalo monagiayait emmat ovani IOL.

Okoa okaotaoyut Doris North Gold-nik Oyagakhiokvik opalongaiktot maliktakhanik oyagakhiogiami ema tammavyak 100% ovani Inuit Piotait Nunat (IOL) Nuna BB-60/77A. Tamaita kanganeetot iglokpait apkotitlo onaongitok umiakakvik hanayaoniaktok ovani IOL.

Ona hanayaolikata ovani Doris North Gold-nik Oyagakhiokvikwill nunamik ehoiyainiakmat emmakniklo oyagakhiokvikmi ovani IOL Nunat BB-60/77A. Emmat kugaktot oyagakhiokvikmit koviyut kugaktitaoniaktot omonga Emakokvik Tahik, kaipiktiteenakloni Doris Lake-mik Kapihiliktomot, omonga Aimaokatakmotlo, taononga Kapihiiktomot kugaktomot. Ona kanok aktigiomik kugaktok, kuugiknialo kugaktok tagiomot emaklikata okonanit Miramar's emakak emaknik akiliohiaktitiniaktot oktoklotik okoat KIA.

KIA hamalo kanogitonik ehomakaktot hogaaniklo ova ikalukniklo. Kitikmeot Inuit nuna tamna atogiktagikmatu ikaluknik hogaaniklo tahamani ovalo angoniagotitik tammaktittomangitmitig ovalo angoniaktot inuit elitkohikagomakmata eliogakhimayumi ovani Nakatak 5 ovani NLCA. Angoniagotait Inuit ehoiktaokpata inuit akiliohiagiaktot ovani Nakatak 6 ovani NLCA. Ema, KIA's pihimayumayait nunat kanogilitaoyut ovani Doris North Gold-nik Oyagakhiokvik allangayut ovalo nunaotait inuit ovalo kavamat havakviit ehoakhihimayaihait.

3. KIA Elaoyut Maligakhanik Havakhotik

Okoa KIA enikhiot ehivgiogamingnik ominga Doris North Gold-nik Oyagakhiokvik WLA ovalo hamna kanok ehomagiyaniaka toniakot. KIA eloingaolotik elaoniaktot ovani NWB Tohaktitioni. Okoa KIA hamani elaotiakhoktik okonani NWB emalikioni hajja, ovalo okaalakhimayut hapkononga rocesses NWB Eniktokhanik Maligakhanik ovalpo elaovaktot ovani NWB Naonaitolikioni Meetiktoni ovalo Tohaktitinagit Meetiktoni haffominga Doris North Gold-nik Oyagakhiokvik.

Okoa KIA hamalo elaovaktot tamaink opalongaiyaktoni havaani ovani Elanga 5-mi ehivgioktait okoat Doris North Gold-nik Oyagakhiokvik tabkoat Nunavutmik Kanogilitjutiniaktonik Ehivgioktit Katimayiit (NIRB). Hamai elakaktot toniyait titikkat omong Eniktokhat Nunalikotit Kanolilitjutiniaktot Nunamot (EIS), ona kengolipak EIS ovalo toniffaktait EIS titikkat. KIA elaovaktotlo ovani NIRB Tohaktitinagit Meetiktokhat ovalo ona NIRB Kengolipak Tohaktitiniaktonik.

Okoa KIA elaovlotik pikataovaktot allatlo maligakhalikiot havakviit, apigiyaogangamik, okoa ehomagiyayuni, tabkoa okaotaoyut ikaluit kanogilitniaktot ovalo oyagakhiogikatalo halummaktilikatjuklo ona Doris North Gold-nik Oyagakhiokvik. Ona hivitoyuk elihimayakhat enikhimaitok eniktokha nunanik atoktitiyami okononga Miramar-konot hanayagiakaktot apkotini iglopkapniklo omonga IOL Nuna BB-60/77A. Hamna taimainami piagiakaktok nappaktigiliktinnagit ovani IOL.

4. KIA Elaoyut Emaknik Laisikhanik Apikotini

Hamani okaktoi, KIA atokpaktot okononga Rescan's okakhiktoni opalongaiyaotini hamani tonioni titigani. Ovagut piavut okoat Rescan's onipkaktait tamaat omonga Naonaitkot A omonga ovani NWB's naonaiktani. KIA piyait okoat ovalo nammagilikhogit pitkoyait onipkaktayut nunalikiyiini ovani Katimayiit. Ataani hamani okaotigiavut tabkononga Katimayiit ema hivitoyut okaotait KIA okoalo Rescan's atokoyauit omonga NWB.

Aolavikha oma Emaktutit Laisik:

KIA pitkoyait okononga NWB ema kakogomot atoktitiokhat omonga Doris North Emaktutit Laisik ona laisik avatkolimaita 5 okioni. Okoa oyagakhioktit apihiot laisimik 8 okionik Emaktutit Laisik. KIA pitkoyaitlo naitonik atoktitilok emaktutini hamnagok ekayutaoniakmat Katimayiit ehivgiogakhat emak emagiknia taotoktaoniakmat ovalo tamaat emmat nammaktokhat ovalo emmakotlo monagiokhat omonga Doris North tikitinago MHLB ema taimaktinagit. Talani nutangolakmat laisik kanok kakogo naonaikniaktok nunalikotit eniktokhat ehoaktoik umiktinagit.

Emnmat Atoktokhat

KIA elihimayut okoat Miramar titigaktot apikhivlotik atogomaplotik 5 avakomayumik emakmik atogomayut iglokpait atogakhanik iglokakvikmi ovalo emak atokniagonakhiyat aktigiok 100L oblotoak inukmot pitkoyat okoat Nunakyoani Aniaktolikiyiit katimayiit Miramar ehoakoyait emaott hok angiomik emaktogomayut.

Emmat Monagiokhat

KIA ehomayut okoat Miramar havaligomik enilaktot emakmik monagiomagomik opalongaiyaktot kovigaiyami omanga Emakokvik Tahik ovalo tikilaktait MMER maligakhat ovani Emakokvik Tahik emakmot pappaotini atoklotik ovalo CCME atoktotokat 100 meters kukap manoani talvanga toghoamit kovigakvikmit. Hamna nammakpat ema ona oyagakhiokvik aolakhailimaitmat kaffiinakni okioni aolaloni, emakak angiyaktok tahigak angitkiyaogomi emmakokvikmit, tahamna nipalokpalaayoittitlogo, ovalo emak taotoklogo kanok halumania.

Kihime KIA-kot ehomaalootikaktot haffominga emakmik monagitjutikhamik opalongaiyaktomik: 1) Ona aolatiagiangani kaffini okioni aolatitlogo taotoktokhak emaktut emalo emakmik monagiyami opalongaiyaknik, 2) Ona aolatiagomi emmat kanok emakoktoyuni omonga Emakokvik Tahik naonaikalimaitok kihime emmakokvik aolaliktinago; 3) hamani emakak emmaklagonakhiok oktoligomiko CCME atoktokhani; 4) ema okiomi emmat emaklikpakmata apotit halummaitmata novoyaningaktot kaniktomit; 5) pappaotit ovalo milokaotit atoktokhat ema emakliotiniakmata; 6) ona tamaat emaknot monaginik ehivgiofaagiakaktok oyagakhiokvik aolakhagahoakat.

Okoa ehomaalootaottitlogit, KIA pitkoiyut okononga Katimayiinot naonaitiaklogo emma atoktakhat avatkotailitlogo ovani CCME maligakhani, kanoik emaktokniakata ovalo aolatitlogo, ema “emaktokpalakata” ovalo ehoakhaffagiakaktok emak kanok atokniakat ovalo ehivgiofagiakaktok kovigaknik. Okoa Katimayiit angihainaimaitot avatkoliktomik omonga CCME atoktokhani ematot 20% ema emaktokpalaalikata emaktoktait ooktagiakaktot piomayait Miramar. Taimaitpata ematot ona CCME maligakhat avatkottokhaongitot, Miramar tonihiokhat honani oktutini ovalo kanok akilikniaktait elagani emaktutini monagitjutit opalongaiyaotini.

Ona tahamani oyagakhiokvikmi ehivgiokhivikaktokhat kanok emaktokniaktot aktigiomik ema okoat Miramar-kot kovigaivikhat. Okoa Katimayiit atokoiniaktot ematot Emaktutit Laisimik okononga MHBL ematot ehivgiokhivikmi titigakhimayuktat emaktutait kovigaktinagit omonga Emakokvik Tahik omonga Doris Creek. Takokhaotiaktokhat emaktutait kanok emaktokpaktot naonaikhimayakaht kinat elihimalogo ehivgiohiyit pitkoyait okoat NIRB.

Okoa emak aktigiok naonaitokhak omonga Emakokvik Tahik, naonaitkotaoniaktok emmakmik kovigayami, ovalo oblotoak naonaikataktokhak aolatitlogo oyagakhiokvik. Kakogomot naonaikhimalotik aolayukhat ovalo okiotoak taotoktakhat onipkaklogo.

Tamainni, hamani naonaitiaktok ona atottigomi ehoaktokot emaktut aolaniaktok ema okoat Miramar's emaknik kovigakniit aolatiakniaktot ehomagiyait oktoktatik –hamna takokhaogomik naonaikhimaniaktok. Okoat Katiayiit ehivgiokhiyukhat kovigakniaktainik ovalo ehivgiokatagomik naonaikhimaniaktait ovalo MHLB amigaitpalakat kovigaktaktik nutkaktitakhat ema emakokvik ahinot kugaliknahayuk. Taimaitpa, okoa Katimayiit nakoyunik okalaktokhat ehoinakata MHLB, ovalo pitkoiniaktot kanokot ehoitomik aolannaitomik kakogo, ema namakhikpat kovigaffaalikniaktot.

Hamalo, Miramar okaalaktot kovigainiagomik emaknik omanga hiogaiyavikmit tahiknit ovani oyakivikmot ovalo pilokyiligiviknot kovigakniaktot nunamot. Okoa Katimayiit ehomayukhat pitkoilotik MHLB ema taotokataknaktat, kanok emat ovalo koviakataknaktot ovalo nuna halumaiktaililogo emaklaknit. Emaitpat Miramar atogakhaotitik tikilimaitjuk, emmat ahinot kovigaktoka omanga Emakokvik Tahik.

Emmat Taotogakhat

Miramar-kot oktogomayut opalongaikloti taotuutikhanik aolahimaktomi emmat koviok taotiktahait saivani emakavikni ovalo kanok emakoktoyunik ehivgiokhivakloik ovani tupikavikni. Emmat kanok atoktot kanok emakoktotigiot koviniaktot emakokvikmot. KIA pitkoyut allanik ehivgiokhilotik kanok kovigaivakniaktot okiotoak ovalo emakak ataotimik okiokmik naonaikkaklotik ema elittogikpagit kanok emaktokniaktot emmat monagiyami kovigaktot omanga Emakokvik Tahik. Talvani emmat koviokhat ootaktait piagiakaktot ovani naonaikogit ovani Doris Creek ema kovigaknia naonaikhimaloni. Ona kovigaknk naonaikat taotoktat kovinik kanok kovivaktot, ova taotoktaktik emak homangitonakhik. Kanok emat kovigaktokhat oktakthait ovani Emakokvik Tahik aolahimakniaktok okiopmi (tatkihiotmi), ovalo kovigaktait kanok etinigit emak naonaikhimaloni kovinia.

Hamani okaktakhait, MHLB oktogomayuty emak kanok atoktokhat onipakagiakhat titigaktaohimayuni. Rescan okalaktot tatkihiotnik okakpaktokhat ovan hivolikpakmi okipmi aolalikat oyagakhiokvik, ema emmat monagiyangitni atoktait naonaitokhat. Okoa onipkakhat elakaklotik tamainik emak kanok koviyaovaktok, kovinigitniklo ovani Doris Creek, kovigaiyut tahigaknitlo tamainit. Tamaita titigakhimayut atokniaktot kanok emak kovigaktaovaktok.

Ataohik ona pitkoyaohimayuk ovani NIRB onipaktat ona:

“taotoknigit naonaitkotit katitiktokhat titiganot angiktakhat okoa naonaitkotini:

- Kinat inuit ehivgiohiyut naliak ootaktot emaknik
- Oblok,oblokhiot, ovalo homi emiktaktot ehivgiogakhanik;
- Obloa ehivgiokhinik;
- Atialo ehivgiokhiyup emaknik;
- Kanokot ehivgiokhiut naliak kanokokhotik; ovalo
- Eniktot ehivgioktait.

- Eniktot ovalo titigaktaoyut taotoktatik taotutini, naliak ehivgiogatik pihimaniaktait aolatitlogo oyagakhiokvik okoalo umiktitlikat oalo umiktaakatlo taotokhakniakta. Hamani taimaitpat aolaniaktok toghikatjuk okoat NIRB, DFO [Kavamatokat Ikalulikiot Taggiokmiotalikiot] EC [Environment Canada] naiak NWB [Nunavutmi Emalikiyiit].”

KIA ekayuktait okoat.

Emakmeetot Kanogilitaoniaktot Taotogakhak

MMER maligakhak emakmeetonot omayunlt taotutikakniaktitlo oyagakhiokvik aolatitlogo ehoipata ovani Doris North engilgayumi ona okiokokitoni oyagakhiokvik aolaniaktomi, ovalo umiktitlikat taotutikakniaktot opalongaiyaklotik. Hamani taimaitpat MMER maligaitni, Miramar tonihiniaktot ehivgiogani kanogitonik omonga MMER kalogainiaktot tikigaikpat 12 tatikhiotini ona oyagakhiokvik angmakat aolaliktomi. Ona hivoliupak onipkakhak okaotiginiaktat kakogo 36 tatikhiotit enikata oyagakhiokvik aolalikat – okiok enikat oyagakhiokvik angmaktitlogo taimaktikvikhanotlo taotokniaktat. KIA-kot elihimayut oyagakhiokviit kanogilitjutivaktot, ehoinakat, kakogogaalokmot noivalianiaktot kanogilitjutit takokhaovalialotik ehivgiokagit, ovalo naonaiyakniaktait titigaklogit enikalaitot kihime. Kihime, kanok ayoknakokaktot kanok noiyunik MMER omonga Oyagakhiokvik malgoknik okiokni aolaniaktok

Miramar ootakniaktot kanogalok emmak kovivakniaktot omonga Emakokvik Tahik emak aolania tikitpat atoktat CCME maligakhait ovani Aimaokatakot kaffini okioni taotogakhak. Kiglikakniaktok ema 9 okioni emakak ehoinagonakhiok emak kanoik koviok, naonaikat.

Allat Taotutit

Miramar-kot taotutikhait opalongaiktot okaktot nunami naovaktot okoalo hikmikhak taotokniaktat havilganigiakhak oyagakhiokvik hanayaolikat, okiotoak oyagakhiokvik aolatitlogo, okiotoaklo aolatitlogo ovalo atahikmik okiomi oyagakhiogoikata. Ona aolavikhak naitpalaagonakhiok ehivgiokhiyami nuna naotiktok kayumeetpalaktitlogo. Nammakiyaoyuk havilgaknik ehivgiokhiyami nunainakmit ovalo hikmikhanit oyagakhiokvik umikpat. KIA pitkoyut okononga Katimayiinot honanik atokoilotik taotutikhani havilgaknot umikpat oyagakhiokvik emakak amigaigonakhiot, ovalo taotutikhak amigaiklogit ovani okioni talimani kanok havilgat amigaigonakhiot.

5. Inuiyaktot Halumaktokhat Okoalo Inukavikhaongitot

Ona Doris North Gold-nik Oyagakhiokvikfootprint tamaat nuna hamaniitok IOL. Okoa KIA aghoktot pihimayumaplotik ema okoat IOL halumaktokhat Inuit halumatkoyaiik ovalo ema

KIA-kot akiliktoilimaitot nuna halummaktigotikhanik oyagakhiokvik piotiginginamiko. Hamalo, KIA nunataakhimayut pikatigiiktot, ovalo atokloaktot okoninga , tamainik IOL okoalo Kavamatokat nunaitnik haniani Doris North Oyagakhiokvik. Hama emaitpuk ona KIA pitkoiyut tamaita oyagakhiokvik, naliak ovani Kavamatokat nunaini naliak IOL, halummaktoikhat namagiyahait Kitikmeot Inuit.

Okoa KIA okoa hivolikpat Inuit Katimayit hamani Nunvutmi, oalo hivoleet kablonangogitot nunaotikaktot haman Kanatami hanaliktot elikokhotik ehivgiokhivaktot ovalo naonaiyaivlpotik halummaktigotikhanik ovalo halummaktigotikhat maniit piyait engmikot nunaotiktik halummaktigotikhanik. Okoa KIA hanayut enmingnik halummaktigotikhanik akiiniklo piblotik. Ona atokniaktat manikhat halumakhiyami ehomalioktat kanoik Inuit elitkoihiitigut ovalo halummaktiknik aolabkakniaktat. On enikto havaakhatik ovalo akighait Inuit tikitakhait oyagakhiogoikata ovalo halummaktigotikhatlo oyagakhiokvikmot.

Hamna ajiliogakha hanahimayat okoat KIA havaktinggita okoalo katimayit meetiktik ekayukhikhotik kinanit ahinit kagiyaoyamit ovalo halummaktigivaktot ayoitot (Gartner Lee Limited). Talvani halummaktigopni manit piokhat kanok akitotigiot, tikoaktaoyt meetiktik ovani KIA's Inuknot Nunataaktonot Katimayit (CBC's) ovani Ikaluktutiami, Umingmaktomit, ovalo Kengaokmit tohaktitaotaktot. Okoa CBC's meetiktot NLCA nunataktonit tahamanikmiotat naliak nunakaktot Ikaluktutiami, Umingmaktomi oalo Kengaokmit. Ona CBC'-kot tohaktitiot okoat Miramar's halummaktigotikhainik ovalo keoyait apikotaoyut ovalo okalaktot okoat KIA's halummakhiyami opalongaiyaknik. Emali, KIA kinanit okakvioyut Inuknit nunakaktonit tahamani oyagakhiokvikaktoni ovalo atokpagat angoniakvigivlogo nuna

Okoa maligakhat atoktokhat ovani KIA-kot halummaktigotikhat manikhaktot:

- Kayagilogo nuna hilalo
- Nuna hivoganaitokhat kengolikmi atoktaoniakmat inuknit hogaanitlo
- Nuna halummafaktokhat hivonikmi atokniakmatjuk inuit hogaatto
- Nuna kayagitiaktokhak

KIA okagiiyatot Miramar atoklotik KIA-kot halummaktigotikhainik akiiniklo elaoyukhani ovani Emaktutit Laisik Application, ovalo okoat KIA ehivgioktakhait ehivgiogat Miramar atokhimayut okoat KIA atoktanik ajikohioktoto omoga Oyagakhiokvik Umikpat ovalo Halummaktigotikhat. KIA ehivgiokhiyut eniktamingnik hamna havakamiko ovalo tohaktitait okoat CBC okaktakhainik. Enikmata okoa ehivgiogat KIA pitkoyut Miramar kanoik akitoniaktok, oval ehomagiakot akia nammagonakhiok. KIA, tohaktititakkakhotik okoninga CBC's pitkoniaktait allatlo atogakhat halummaktigilikata akiit naonaiktokhat.

Hamani, tohaktitilgakhokhotik okoninga CBC's, kaffitlo oyagakhiokvikmi ehomagiyaoyut naonaiktait omonga Doris North Oyagakhiokvik:

1. Tamna umiat tulaktakvihait angivitaoniaktok tamat ema hivoganaitomik umikpat.

2. Inuit okakvigilgaklogit elaoniaktot halummaktigioni opalongaiknaktot oyagakhiokvik umikpat taotokhatlo ovalo opalongaiyaktokhat.
3. Enikkata halummakhiyut ovalo iglokpait angiptiktaoliktinagit, Miramar apikhilotik inukaninot ovani Kengoakmionik, Umingmaktokmionik, ovalo Ikaluktutiakmeotanik piomagomik iglokpaknik apkotinik okakniaktot piomayaitnik.
4. Oyagakhiokvik umikpat kilamik ema okoat kaligeektikafokhimaynik oyakonik nunap kanganeetonik, oyagakot nuutniaktot omonga Emakokvik Tahik halumayami.
5. Hona halummailgot nunamot haoniaktait ovani IOL. Halummaitpalat haolimaitait ovani IOL kihime KIA akiliktaolgaklotik maniknik halummaktigitonik ovalo ekkakot eggitokhat haologit ovalo nammagiyaikhait ekakoklikiop.

Miramar hamani okaotigitaktait havatakhogit okoat #1-3 ovani 5 ehomaalootaoyui halummaktoikhait akiit toniniaktoat okononga KIA-not. Hamani elaoyuni nunap kanganiitomik atoktitioni piagiakaktot okonanit KIA-nit ema Miramar aolabkakniaktat Doris North Oyagakhiokvik KIA pinniaktot ema ona piakhak #4 onalo 5 elaoyukat halummaktigotini kanok akitotiginiaktot maniktoknaktot.

Hamanilo, meetigiaktoikhimayut naonaktolikioni meetiktoni omonga Doris North, KIA honaniklo ehomaalootikaktot okaotiginiaktait ovani KIA Atoktitjutaini. Tabkoa halummaitot kanogiliokniaktait nunamot haoyukhat keghoktiktokhat nunamot ovalo hiogaknik haoyukhat oyagaknik 1 meter. KIA okaalaktot ema 2 meter haoyukhat. KIA okaotiginiaktait hapkoat halummaktigotit akighaitnik ovani KIA nunap kangani atoktitiot omonga item #4 onalo #5 .

KIA's Ehivgiokniaktait okoat Miramar's Halumaktigotinik Opalongaiyaotinik omonga Tamnnot North Oyagakhiokvik

KIA nammagiliktaait halummaktigotikhait akiit akitoniaktot emakak \$11,714,374 naonaiktait okoat Miramar ema tamaat akitotiginiaktot halummakhinik ovalo umikpat taotutikhatlo omonga Doris North Oyagakhiokvik, kanok allatlo noikhapat hamani. Allat akighait naonaikata halummaktignik kanok akitoniakmat, KIA ehomayut halummaktigotit akiit nammaktot ovalo hivonikhait atokniaktot umikpat oyagakhiokvik.

KIA's halummakhiniaktot akighait naonaikaklogit oalo emaktutit akighaitlo ovani IOL ematot elaoniaktot ovani KIA atoktitait okoangogitot umiakakvikmi ovani Agingami ona nuna inuit nunaotigingitmatjuk IOL. Taimaitmat ona KIA's kengolikipak manikha halummaktigotikhak emainiaktot \$26,014 akighilaktot halummaktigotikhak oyagakhiokvimot angiptigiami.

6. Nunalo vs. Emmat Kayagiokhat

Okoa NWB meetiktat atanioyut pitkoyait Miramar tonihiokhat maniknik halummaktigotikhanik omonga Doris North Gold-nik Oyagakhiokvik. Tamna manik nammaktokhak ema Kanatami okoalo Inuit kayagiyaoyukhat ema oyagakhioktit tonihingitpata elangani 87 ova 89 ovane NWSRTA naliak enikata taimaktaoyu ovalo halumaktoikhait Doris North Oyagakhiokvikmi

nuamiitot ovani IOL. Hamna maligak atoknaktok eliogakhimayuk omanga Ministasmit ovani INAC ona ehomagiyat eliogakhimayut ovani 2002 *Oyagakhiokviit Halummaktigotait Maligat Nunavutmot*. NTI hajja hanaliktot taimaktaoyut oyagakhiokviit ovalo halummaktigotikhainiklo maligani omonga IOL kihime titikkat enikhimaitot eniktokhat inuit takohimaitait.

Okoa NWB okaohikaktot ajikotainik manikhainik piagiakaktot ovani allat emaktutini laisikoktot oyagakhioknik atoktoni. Ovani ona 1999 Boston Laisikha ona NWB pitkoiyut maniknik akiligakhanik okononga Kavamatokanot ovalo KIA tamakmik akilikhiokhak. Ona Boston oyagakhiokvik ovaniitok IOL. Hamna pitkoinik naonaiktot oyagakhioktit havaktot ovaniitot IOL inuit nunaitni nanminiotat okoat KIA kanogonaknaktok emakak ona laisikhakaktot (BHP-gongaloat) halummakhiomangitot naliak halummaktigilotiklo. Ona naonaiktok toniyat Katimayiinot ovani meetikmata tohaktitot kihime, emalo okaktot okoat tamakmik Kavamatokat KIA-lo maniknik piyut laisik ehoikotaoniakmat laisikaktot emakak ehomalikniaktot “tonitkiktaigomik” piagiakaktot. Okoa NWB’s Boston manikhanik pitkoiyut, inuit okalakmata okoat BHP, manik totkottokhat halummakhitikhak akiligiakaktok okoa Kavamastokatlo KIA. Ona oktokat ongoaotio akilitkitainaitomik.

Talvani ona Boston laisikha ovani allanilo laisini, ona NWB apikhiot kengikataktait aviktokhat maniit nunamot halummakhitikhak naliak emaktutit manikhaitlo ova KIA ekayuktait hamani oktoktait okoa NWB. Tabkoa Katimayit emailiot ovani 2001 nutangoktomi Boston laisia:

DIAND okoalo KIA tonihit NWB aghot ahikot oktokhotik kanok ehomayut nunat okoalo emmat ehivgioktokhat elikoklogit naliak tammakmeeklogik manikhanik pinahoalikata ovalo akiliktakhaitlo. Ovani malgok ovani NWB’s kanga ehomaliokhimayaini,¹ tabkoa NWB ehomatik eniktot naonaitiaktot elakatigiiktok nunatlo emmatlo. Hamani ovani 1999 Boston Laisiat Nutangoktomi, ona NWB kanogilioktot manikhainik piblotik tamaknot DIAND okoalo KIA. Hamani taimaitoni naonaikmat ona 1999 eomaliogat, ovagut angiktakot okoa atoktot aolahimakniaktot atoktokat Apikotini ovalo pinniaktvut tamaknik hamani Apikotmi okaotigihimayakot KIA-not. Ona NWB hokot oktoktot kihime kanok ehoaknikot pivaktot halummaktigotikhani ovalo aipagutlo, ona NWB ehomayut kanogitonik nunaneetonik, okoalo nunat ovalo emmat, elagiiktok, kanogilitaoniaktot allanot nunanot (emmat okoalo naovaktot, ema. Ema ahikogomik nunaneetot, elitkoihiit Inuit elitkoihiit atokpagait emmat kanogilitaoniaktot, emalo, okoa Inuit NWB ehoayut, okoa oyagakhioktit tonihiokhat ataohikmik halummaktigotikhanik oyagakhiokvik taimaktaokpat.

KIA ekayuktai oktokhogit atoktait okoat NWB ona nunatlo emmatlo manikhait pihimayukhat ovani Boston laisiani Ovaagut ehomagiaot, hokot naonailimaitok kanok nunatlo emmatlot manikhakaktokhat ovalo KIA manikangitnamik ooktalimaitait enmingnik. Hamani naonaiktoni , hamna allangoktok KIA eliogaktat atogakha ema manikhak piagiakaktot IOL Inuit elitkoihiit.

Ona piakhat maniit omonga Miramar’s Doris North Gold-nik Oyagakhiokvikin KIA’s tonihiyut eniktokhanik pinggahonik: (1) tamaita akiligakhat ehoinaktailitikhak pihimayukhat (hamnalo ehoaktokhak ovani INAC maligak); (2) akiliktogakhat nammakniaktot ematot oyagakhioktini

¹ *Re BHP Diamonds Inc.* (1999), 29 C.E.L.R. (N.S.) 248, onalo Lupin Laisiat Nutangoktokhak 2000

nammagiyaoyukhat malgoiktoklotik akilikhilimaitmat taimaitpat oyagakhioknik aolalimaitot oyagakhioktit piomangitat, ovalo (3) tamaita kanogonaknaktot naliak ehoiknaktot Inuknot ovalo IOL manikhait piagiiktokhat.

Hamani okoat Katimayiit elihimayait, Knatamiot angigngitpagait okoa BHP maniknik tonihivakhainik eliogakhimayunot Boston laisimot. INAC kavamast onniotiyait KIA ematot kanogilitniaktot Inujit atoktakhait maniit halummaktigotikhat ematot “ehoinaktailitikhat” ovalo kavamat maligait pitkoilimaiktot ematot INAC angiiitakhait ehoinaktailitit. Talvani kanganoak okaotaoyuni okoat INAC kavamat okoalo KIA hamna manikhakvikhak, ovagut ekayuktavut okoat “Maligat atokniaktot Maniknik Tutkogeektokhani”.² Tamna maligak okaohikaktok pittailitjutaovloni INAC-not kavamasnot maniknik pilimaitot okoat pikatigiit akilikhiot ovalo okoalo INAC keooyat okononga NWB’s Boston tutkokaikmanik maniknik. Ema, ehokahiyumi hamani elangani ovani 76 hamani NWSRTA, hamna takokhaotiaktok ematot “akiliktoikatigiiktot” maniit ehoagingitait oma Ministap ovani INAC-ni.

Inuit ehoinagomik manniktigut ova allatigut maniigahokoknaktot oyagakhioktit taimaitpata emaitotot Doris North-mi oktoktait omonga IOL. Ovanga maligani atoktoni, okoa ataniit ehivgioktit hamani elangani 87 ovalo ona Mionistak eloani s.89 okonaniNWSRTA atoinalaktot oktolimaitot “kinat”, okoangogitot laisikaktot. Ona manik tutkokaikmanik pitkoyat okoat NWB ekitpalaakat maik holiyami ovani Doris North oyagakhiokvikmi kanogitot ehoinaalakinaktot, Inui okoalo KIA nunaotikaktot tabkoninga ehoinaagahokoknaktot. Okoa Kavamatokat ehivgiokniakta ona KIA akilikhiokhat manikhakhimaitonik halummagakhanik nunani piagiakaktot ovani IOL. KIA cannot accept such risks.

Hamna taimainami ema KIA-kot manikhanik tuitkokhiokhat ovani nunat kanganeetoni atoktitot ema kayagiyamingni enmingnik ovalo Inuit nunaotainik. Ona emaitot KIA oktogomayt taimailioklotik. Hamani okaktoni, KIA eliogaiyut atogakhaik manikhanik piagiiklotik oyagakhiokviit taimaakkat ovalo halummagianikpata. Ovagut ehomagiakot maniit piakhat halummaktigotikhat omonga IOL ema \$11,714,374, emalo allat mikiot ehoakhiokhat elihimayaoyut ovani elangani 5-mi hamani. Ona akikhat atokniaktok nunanot ovalo emmaknotlo halummaktigotikhak/tutkoklogo kihime itkakhaktavut Katimayiit ovani KIA-ni elitkohikhait ovalo atanniktutait eloani Nakatak 20 ema kinat apikhikpata okoat KIA atanniktutait manikhat piokhat emalikoitit.

Hamna emainiakok okoa Katimayiit ehomaffakniaktot aviklogo akiligakhak manik omonga Doris Northoyagakhiokvikmot. KIA ekayuktot nammaktonik ehomakaktot nunanik ovalo hilalniklo eliogakhimayut NWB ehoaliogat. Hamani INAC maligakaktoni pikatigiigahoano6 maniknik tonihinahoat halummaktigotokhanik ovagut aghoktavut oyagakhioktit atogkhait, kihime, ona KIA-kot pitkoyait okoat NWB aviktakhat manik toniokhak Doris North-mot.

Ovagut okalaotigiakot okoat Katimayiit pitkoilotik maniknik tutkokhiikhat ovani emaktutininik laisimik. INAC habatyt manik tutkogakhak atokniaktat Kamat nunaotainiik tutkokhiokha ovalo

² Maligat Okaotit No. HQ.08 obloa Saptaipa 17, 2001 nutangokto Desaipa 30, 2002.

okoalo KIA eniktaitlo tutkokhiot omonga IOL. Okoa Kavamotoikat pihimaniaktot manikmik halummaktigutikhanik Kavamatokat atoktitiyainik. KIA pihimanakta nunanik atoktitiot.

KIA tonihiyut emat manikhait pihimakpata ovalo kanok akiligakhat halummaktigiyami, ona nuna kayagiyaoniaktok. Talvani malgoiktokviitpat manikhainik pigomik, ovagut ehomaalolimaitakot okoat Miramar's Doris North oyagakhiokvik Naonaikata atoktot hamani ovalo ehivgioktaoyut eliogakoptigik, aviklogik nunatlo ovalo emmat akiliktaoyukhat okonanit KIA piakhat okononga IOL ema ovagut takoniaktavut tamaita pingahot eniktokhat.

Ovagut ehomayavut okoat NWB angikniakpalaktait.

Titikkat Ekayutit

Ekayutit Titikkat A. Naonaktot Ehivgiogait omonga Doris North Oyagakhiokvik

Takologo onipkak tonihimau okononga NWB okonanit KIA Okaota ‘Naonaktot Ehivgiogait okoa Nutangoktot Emaktutikhat Laisit Apikotit Toniyaat Titikkat omoga Doris North Oyagakhiokvikmot – Kengolik Onipkak, okoat Rescan Nunalikiyiit Services Ltd. Obloani Julai 2007. Hamna titigak toniyat okononga Nunavutmot Emalikiyiit Katimayiit .